

四庫全書

史部

欽定四庫全書

潘司空奏疏卷三

明 潘季馴 撰

兵部奏疏

清理庫藏疏

為清理庫藏事車駕清吏司案呈奉本部送該本司呈
卷查先奉本部送准兵部咨該南京兵部尚書翁大立
題稱本部車駕職方二司庫貯有馬船工料馬價地租

等銀積數頗多向不查理恐生姦弊乞照南京戶工二部并武庫司錢糧事例會同科道查盤仍三年一次永為定例一節相應依擬等因覆奉欽依咨部送司隨該本部先任尚書楊兆會同南京兵科給事中王良心南京江西道監察御史張一鯤將二司各項銀兩自萬歷五年十一月二十九日起至萬歷六年四月終止備細查明造冊奏繳訖今自萬歷六年五月初一日起至萬歷九年四月終止又及三年所有二司在庫各項錢糧

收放數目冊卷相應照例請官會查等因行間又據武庫清吏司呈為議處卑役以革積弊事卷查嘉靖六年奉本部送准兵部咨該詹事府詹事兼翰林院學士霍韜具題前事本部覆議將武庫司收放過柴直錢糧文卷立為定例三年清查一次每遇刷卷之期本部先行具奏題請科道官會同本部堂上官逐一清查造冊進繳若有情弊聽其舉叅等因節奉世宗皇帝聖旨是南京兵部行去著一體欽遵欽此一向遵行在卷萬歷七

年三月內該本部尚書楊兆題將萬歷三年正月初一日起至五年十二月終止本司收放柴直并見在銀兩請官查盤兵部覆奉欽依備咨前來到部送司通行會查間隨准京畿道御史李學詩案驗照刷各年文卷送刷未完陞任續於萬歷八年六月初三日准京畿道御史張簡案驗將本卷刷完領回隨即移文科道見今會查完日造冊另行奏繳外今照本司萬歷六年正月初一日起至八年十二月終止又係三年例應請官清查

等因各呈到部送司奉此理合案呈施行等因到部臣等看得二司所請查盤俱經奉有明旨著為成例無容別議但查得先該本部尚書翁大立題為設總庫委專官以便收支以防姦宄事要得設立總庫一所將車駕職方武庫三司銀兩皆入其中歲輪主事一員不妨原務兼管兵部覆奉欽依遵行在卷臣等竊惟庫以總名者以其并貯三司之錢糧而言也及至查盤分為二起一庫兩請一年再盤非惟事體煩瑣抑於原設總庫之

意不免矛盾況查車職二司銀兩則武庫司所貯係在
不查之數及查武庫司銀兩則車職二司所貯又係未
查之時點吏積庫儻有侵漁難保無那彼應此之弊也
臣等反覆思維無如一併查盤為便再查武庫司應查
之期在萬歷八年十二月終車職二司應查之期在萬
歷九年四月終相去亦不甚遠而先臣霍韜原題欲遇
刷卷之期本部先行題請會查者其意欲以京畿道之
所查刷叅之本部之所會查意甚善也則武庫司所請

之期似為允妥臣等竊擬合無容臣咨行南京都察院及行該科請差科道官各一員會同臣等將三司收支銀兩數目通自應查之日起至八年十二月終止一併查盤明白造冊奏繳如有情弊即行叅處其車職二司應查自本年正月至四月分錢糧扣至萬歷十一年十二月終與同武庫司一併會查則事體畫一而姦弊易稽矣伏望勅下該部再加查議如果臣等所言不謬擬議上請咨行遵奉施行臣等幸甚

查覈直銀疏

為仰遵明旨查覈裁革官員直銀懇乞聖明酌議以定
經制以裕民生事武庫清吏司案呈奉本部送准兵部
咨該南京吏科給事中吳琯奏前事該兵部覆奉欽依
本部移咨南京兵部備查各衙門先今裁革及見今奉
旨議革官員直堂銀兩應存若干應減若干及原派州
縣減編若干酌議停妥上請定奪仍行各該撫按嚴督州
縣將原派柴直遵照近例務要上緊依期完解以濟支

給如有仍前拖欠年終聽該部叅奏降罰其扣存新銀
不得那移別用俱送戶部收貯備荒每遇年終造冊進
繳等因備咨到部送司卷查嘉靖六年該詹事府詹事
霍韜奏為議處卓役以革積弊事內開南京九卿等衙
門官已裁減而卓役猶仍原額要行查議減革兵部覆
准備咨前來該本部先任尚書李充嗣會議具題南京
文武衙門官員直堂逐一查議裁減外共計存留九百
八十八名內出辦工食七百五十九名正身應役二百

二十九名該兵部覆奉欽依咨部欽遵以為定數考之會典所載原額已經哀減惟各部屬併三法司官把門直廳等役原額數少未經議裁今該前因遵照欽依事理行准南京大小九卿各該衙門查自正統六年歷嘉隆以來節次裁革併見今奉旨革過官員逐一擬議直銀應存應減緣由回覆前來通查案呈到部看得該科所陳無非節省民力之意且各處地方頻年災傷小民困苦寬一分則民受一分之惠委應酌議復該臣會同

各該衙門堂上官議得直堂直廳卑役雖為衙門而設
然官既欲其稱事役亦自宜因官查得先今裁過官員
吏部右侍郎一員司官六員戶部司官一十一員禮部
右侍郎一員司官八員兵部右侍郎一員司官二員刑
部右侍郎一員司官一十九員工部右侍郎一員司官
六員都察院御史九員通政司右叅議一員大理寺右
寺丞一員左右寺寺副評事共六員太常寺少卿一員
光祿寺少卿一員鴻臚寺寺丞一員欽天監監副一員

內各堂上官除鴻臚寺直銀已於嘉靖六年議裁外餘應照員減役無容別議其部屬等官有裁革雖少而直役原額尚浮者有裁革雖多而直役原額甚少者若止照裁議革未免少有窒礙臣等通融查議得各司官見存一員者減去直廳二名存二員者減去一名存三員或全設者似應照舊都察院十三道大理寺左右二寺每道每寺各量減一名其他若各衙門之看倉徒存其名都察院之禁役似涉於濫宗人府之把門尤屬虛費

而五府等衙門如中左二府錦衣衛近該別卷各議裁
僉書一員亦當照例裁減及又查得原額存留直堂七
百五十九名每歲各衙門實支七百五十二名雖各處
拖欠不能全解而比之支數尚多七名相應一併議裁
僉議停妥共該減去直銀并力役計二百零二兩五分
其減編銀兩應於各省直原派額數頗多而徵解不前
或原派額數雖少而頻年災青者各量行減免本部止
開省直總數候題請至日咨行各該巡撫審揀極疲州

縣定數減免今歲審編已定俱以萬歷十年為始出示曉諭通知不許仍前混編務使小民得沾實惠再照直堂與柴薪事同一體直銀既可減編柴薪豈得仍舊但各該有司官員奉例者固有而慢視者不無至如蘇州淮安等府全不徵解者數年矣各官養廉之資勢難後時一遇缺乏不免將柴直銀兩通融關給及查本部節奉題准別項公務動支柴薪銀兩每歲不下二千二百餘金成化二十二年該本部尚書馬文升題為勸懲武

學師生事內開每次會舉備辦花紅酒席動支缺官柴薪銀八十兩嘉靖十三年該本部尚書劉龍題為思患預防以固根本事每年春秋二季考較武學官生每季備辦紙筆花紅動支缺官柴薪銀四十八兩嘉靖二十年該本部右侍郎王教題為復舊規以徵船料事每年准總督漕運都御史咨文動支缺官柴薪銀一千兩給發造船支用嘉靖二十一年該本部尚書熊浹題為會議重大事宜請聖裁以裨修省事每年准本部車駕司

付取缺官柴薪銀一千八十兩聽候造船支用夫原額之數既積年拖欠而動支之數又每年不缺若再裁革必致匱乏該科有見於此所以未之及也合無將柴薪銀兩照舊徵解如有盈餘即便收貯每歲候科道官查盤之日餘剩數多量議若干解送戶部備荒年終造冊進繳仍嚴行各該州縣恪遵節奉明例將柴薪銀上緊完解如再玩法拖延容臣等指名叅奏庶小民蒙寬恤之恩而支放亦無匱乏之虞矣

完銷積欠疏

為懇乞題請拯救衆命查算漕糧以便完銷積欠事武
選清吏司案呈奉本部送准南京戶部咨准戶部咨該
本部題戶科抄出南京戶部尚書王好問等題據雲南
清吏司郎中楊邦直署照磨所事浙江清吏司郎中趙
鉞會呈奉本部劄付據南京興武等衛指揮千百戶殷
尚武等通狀告稱武等於嘉靖三十一等年奉文委運
漕糧偶值黃河變遷水患不測旗軍漂流糧米以致臨

倉掛欠叅降住俸二十餘年父母凍餓而亡子女鬻賣
度日貧寒徹骨終不能償萬歷元年蒙戶部見得積欠
難完奏准先將官旗家產變賣次將原住俸米并旗軍
月糧扣補完官移文漕運衙門咨行南京兵部轉咨南
京戶部通行各衛責令各官變產銀兩貯庫咨覆漕運
衙門題覆外近奉恩詔內款開一軍職先年為事降調
兩廣等處烟瘴衛所病故不分已未到衛子孫為因路
遠不能赴所調衛分起送承襲者許令原衛起送承襲

帶俸差操一軍職自萬歷六年二月以前有犯該充終身軍已經開五年六十以上者比照為民事例子孫准其承襲欽此武等思得重罪尚在原宥公罪豈不蒙赦況漂流糧米火燬船隻出不測情有可原乞念螻命衆多題請查算已完者准與復職開俸未完者比照戶部原議子孫襲替事例姑准復職將逐月俸米扣抵還官庶使完銷有期死亡可救等情到部劄行各職查得卷內先准南京兵部咨准漕運衙門咨隆慶六年該戶

部尚書王 等題為漕運糧銀歷年積欠數多乞賜嚴追以裕國計以杜侵漁事內開南京錦衣旗手等總下衛分運官嘉靖三十年起至隆慶五年掛欠漕運糧銀席板楞木數多題請移咨漕運都御史及咨都察院轉行巡按御史嚴督該府衛官追併變產原住俸糧并旗軍月糧如數扣抵等因到部送司今據運官殷尚武等告稱前因為照南京各衛掛欠糧銀運官應該起解糧產銀兩已經戶部并漕運衙門催解雖有各把總官開

報原欠并續完文冊猶恐未的又復通行各衛另取各官完呈庫收前來查驗其與總冊相同者例應准算其總冊開完而無完呈庫收及雖有完呈庫收而總冊未開者俱當備造文冊二本咨送戶部原在京通倉者行京通倉原在漕司者行漕司各查明咨覆前來以憑據實扣算再照各官已經降級調衛者十有五六產銀無幾俸亦不多逃移異鄉或乞丐街市苦狀萬端難以悉數今據告比恩詔事例復職扣俸還官等情似亦萬分

可憫合無議處題請施行等因會呈到臣看得南京錦衣旗手上下江四總下錦衣等三十三衛運官殷尚武等自嘉靖三十年起至隆慶五年積欠數多節該戶部題准將官旗家產變賣并俸糧扣抵原欠及分別各官監追已故等項議處完報無非憫念寬恤之意及其續完之數多不對同必須覆勘方有的據其應扣俸米等項若令領出變價必至食費無存且各官俱已降級調衛貧苦不堪所告比照恩詔事例雖事非盡合而情均

可憫既經郎中楊邦直等呈議前來相應題請伏乞皇
上俯念各官漂失之罪誠不可逃水火之變禍亦難脫
勅下戶部再加查議將本部咨送文冊二本通行漕司
并京通倉查明咨報其各官見貯銀數候與折俸銀兩
查算類解漕司轉解所有應扣俸米絹布麥鹽并旗軍
月糧准令扣留倉庫聽候支放通查各官扣俸年月日
期起止及見在職級與承襲優給各明白逐項磨算照
南京折銀扣抵戶部原議漕糧板木席片折銀欠數已

完者各照原議准與復職開俸未完者姑照子孫襲職前例亦准復職并與老疾已故子孫未經襲替者查無別項違礙亦准襲替通扣俸糧完日方許開支等因題奉聖旨戶部知道欽此欽遵抄出到部議照尚書王好問極言四總運官不惟無產可變無俸可扣且有乞食鬻女之苦欲要查明已完者復職開俸未完者姑准復職襲替又欲比依恩詔將各官年久及已降調充軍者分別議處實係不得已之計但中間掛欠各官若的係

產盡難追准令復職襲替即以應得俸糧扣補雖非正法原情似屬可行若係侵欠一槩容其復職襲替則罪既不及其身法又倖免於後相應覆查其已經降調充軍運官援引恩詔軍職為事充軍准令子孫襲替事例但漕糧兩掛欠者例止降級若犯該充軍必係侵欠例應革襲中間果有不係侵欠止犯公罪情有可原查與恩例相合者亦應酌處至於糧銀完欠數目委當查明方有的據其應扣俸糧絹布鹽麥已扣在官者就留倉

庫支放照例折銀扣抵所扣銀兩原係漕糧正額仍應
解還本部方屬停妥既經尚書王

議題前來相應

題請恭候命下本部將南京戶部送到欠糧文冊二本
一咨漕司一劄京通二糧廳各照冊開數目逐項查對
原欠并續完分數明白另造一冊逐名填註漕司就便
咨送該部查照追處另送本部一冊備查京通二糧廳
造送本部轉送南京戶部通查各該運官除自隆慶四
年起至隆慶五年止內孫魯隆慶五年既係漂欠相應

併入掛欠項下追處其餘掛欠各官查果已完見在者
准令復職開俸老疾事故者保送子孫襲替未完者嚴
行該衛查果產盡無措取具不扶重甘結狀一送本部
備查一送兵部襲替仍備將各官完欠名數及見在復
職開俸并子孫襲替緣由造冊奏繳青冊送部查考各
官應得俸糧扣完舊欠方准開支其應扣俸糧絹布鹽
鈔并旗軍月糧本色備查起止年月日期及見在職級
承襲優給逐項磨算明白准令扣庫支放照南京折銀

例扣抵務同已追在庫銀兩陸續類解漕司仍將解過銀數先咨本部知會就將應解淮庫銀兩照數扣解太倉銀庫以備折糧支放至於各官年久未完糧銀關係國儲正額除故絕逃絕外例難處豁其運官已經降級調衛果有情罪可原者聽該管衙門查實奏報以憑覆查類奏請奪若運官充軍有不侵欠查與恩例相合者亦聽該管衙門據實勘報覆查處分本部仍通行各省直一體遵行等因題奉聖旨是欽此欽遵等因備咨南

京戶部欽遵查照施行該部轉咨本部連送到司案候
京通二糧廳冊并漕司文冊至日查行間節奉本部送
據運官殷尚武等連名通狀告為懇恩推例早賜復職
開俸扣補漕糧等情到部送司隨經案呈本部移咨南
京戶部查取各官住過俸糧并咨取漕司各官完欠的
數及通行各衛查造各官原欠續完并勘報家產果否
盡絕緣由文冊去後續奉本部送准南京戶部咨送京
通二糧廳并各官住過俸糧及漕司咨送錦衣旗手上

江三總完欠糧銀各數目與各衛文冊到部送司該本
司署郎中事主事鄭一麟將各冊逐名查審磨算通查
得金吾前等衛指揮千百戶邵繼文等共七十一員內
有錢糧陸續完補曾經京通漕三冊註銷者有已將銀
米補完三冊未經註銷今驗有完呈庫收者有三冊互
有註銷而無完呈庫收照驗及審各官執稱原無完納
者有各官曾經追扣旗軍月糧解交各該把總驗有關
防印記批回及查三冊各總俱無轉解下落者有各冊

前件下開漂掛銀米數目多少互異者有京通漕三冊遺開銀米欠數而各衛冊中造報及審各官面認明白者有嘉靖三十六年分漂流稱奉例蠲免十分之三而無原題照證者有各官原未降級所欠錢糧扣補完足者有各官已經降級錢糧已完亦有未完多寡不同者有各官雖經降級並無錢糧經手者有三冊錢糧註銷原在漂流掛欠項下及據咨文開稱侵欠者有稱買補漂流拐帶官銀者有已經問遣本犯已故伊男告辯一

事二招從重改擬遣戍原非侵欠者除內有錢糧補完已經各冊註明應准銷算無容別議外其補過銀米各冊雖未註銷既驗有完呈庫收俱係印給或關防鈐記似非詐冒相應亦准銷算其三冊互註而無完呈庫收照驗已審各官稱未完補恐係冊中誤開或係逐年更番別官在北代完而本官在南不及知會合候京通二廳覆查其各官解交把總銀兩已獲批迴在官即係已完而該總不行轉交似應著落該總追究下落其各冊

前件下開漂掛銀米多少互異蓋因原冊止開正數而復以加耗併入故與原數率多矛盾但查加耗者多係漂流而議單開載每石該折銀七錢今各官欠數若照正糧每石止該銀七錢若以加耗扣算則又不止七錢之數矣似應查照議單聽戶部扣除前耗庶免重累其三冊遺開銀米欠數而各衛冊中報出審各官面認明白者悉應併入原欠項下其冊稱嘉靖三十六年漂流例免十分之三未委虛的相應聽戶部覈實銷算其咨

開侵欠據稱隆慶五年委因河患異常俱是漂流掛欠
況京通漕三冊俱無侵欺字樣合聽戶部覆查應否原
豁其咨開買補漂流拐帶官銀據稱具呈本總轉呈總
督糧儲衙門已扣總屬宣州等衛餘米代補似非拐帶
情由亦聽戶部查勘應否准豁其告辯一事二招改擬
從重遣戍稱非侵欠應聽戶部查詳再行漕司覆勘後
招應否原豁通前名項甚多事體不一竊照黃河暴溢
自嘉隆以來歲為漕患其間上損國儲下傷民命不知

凡幾矣然在領運官員既無掌印更番之定制又無方
春入洪之約束天時固多災青人事亦未變通各運官
軍凡遭漂溺其不身飼魚鼈者倖爾得出萬死於一生
又未免嚴督賠補不惟身家重困而且有賣妻鬻子之
苦人情至此誠為可憫乃今河工底績漕輓順流鳧趨
鱗貫直達無虞雖升斗亦無剝損則昔何以害今何以
利章章明矣各官生不逢辰以至於此方其胥溺號籲
無門既而追賠朘削日甚已奉廟堂軫恤特賜欽允漂

欠者許其復職扣俸侵欺者亦許查勘虛實及又查得
近奉恩詔內款開一浙江等總運糧官員有因漂流掛
欠監追五年以上產盡或身故者子孫准其襲替照例
扣俸還官如係侵盜正犯奏請定奪其違限註誤及中
都等處違誤領班各提叅住降俸級立功者准與查復
宥免欽此欽遵此誠朝廷浩蕩之恩各官生全之路也
但自題准以來經今數載未見查勘下落以致各官紛
紛哀乞已經本司一一虛心覈實為此今將各官完欠

數目理合開坐造冊案呈施行等因到部臣等看得殷尚武等俱因領運漂失致蒙叅降住俸年久產盡人亡丐鬻流移哀苦萬狀兩經南北戶部題請無非慮其積欠數多經久難完先令變產復准扣俸中有情罪可原者聽該管衙門覈實奏報其憫念各官之意可謂殷矣況近奉恩詔殷尚武等委與事例相同既經該司弔查卷冊逐一磨勘造冊開款前來相應具題伏乞勅下戶兵二部將後開款目并本部咨送文冊查議明白早為奏

請定奪其各官住過本折俸糧悉聽南京戶部備查原
題事理應扣留者扣留支放應起解者起解各該衙門
收納通候二部議擬上請恭候命下咨行臣等遵照施
行

攄愚見固要樞疏

為攄愚見固要樞以屏東南事臣承乏留兵忝參機務
越二年於茲矣夙夜靡寧莫圖稱塞比年以來江寧海
晏荏葦無驚此實聖神在上坐致太平而臣庶幾追愆

甚大幸也茲者蒙恩內召即日離任而區區之心猶有
一二淺薄之見未能釋然於懷者竊惟今之談者大都
謂太祖高皇帝定鼎南都宮闕陵寢在焉此根本重地
人人知之人能言之臣無論已試以天下大勢論之鍾
山石城之形勝實為上游諸省之要樞東自京口以控
甌越南自三江以接大海西自皖城以引三楚北自維
揚以達徐潁江浙湖廣三省恃南都為咽喉閩蜀雲貴
兩廣又倚三省為門戶南都安固則諸省皆為幅員此

地未寧則諸省不免搖撼其所關係蓋已隱括中原過半矣苟可以嚴封守詰戎兵者詎可不加之意哉顧城垣之延袤太廣關隘之防守最難內城如龍廣山一帶則岡岑外峙俯瞰城中覆舟山一帶則內多荒原人蹤罕至獅子山一帶則城尖徑仄勢無砥屬至於外城尤極寥廓在東北駕壑凌山守者難於飛輓在西南列柵積土攻者易於擣虛但創造二百餘年一旦欲為更改之議非惟勞民傷財抑且有駭觀聽然則今日所當綢

繆圖揆以紓朝廷南顧之憂者舍戎兵之外無他策矣以故樞筦之協贊不可一日缺也將領之責任不可一日曠也奸萌之潛伏不可不時其稽察也地里之聯絡不可不責其策應也營伍之漸耗不可不為充實計也統轄之未均不可不為裒益議也仰惟皇上雖際累洽之餘而每孜孜於治保邦之略在臣寧敢以解任之日而遂泄泄於長慮却顧之謀謹條六事如左伏乞勅下該部詳議上請施行庶幾東南撤桑土之思而西北

輦盤石之固矣臣愚幸甚天下幸甚

一復右侍以資籌贊竊惟建官位事繁簡輕重異焉事可兼而官多設是謂冗員汰之誠是矣至於根本之地機務之司籌贊於部堂之上者僅一二人而亦以例裁減此所謂靳小費而虧大體也我朝建鼎之初兩都並峙六曹一體尋以南部事簡各裁左侍郎一員當其時議者豈不能并右侍郎而裁之哉一則為政事計欲得賢以共贊襄一則為國家慮欲儲才以備緩急耳近年

惟戶部總督糧儲留侍郎一員各部盡行裁革止留尚書一員每遇齋捧及陞遷事故至有兼署二三部者夫以一部而任一人已非游川暨濟之義以一人而兼數部尤有越俎治庖之嫌在各衙門且嘖嘖稱不便矣況兵部叅贊守備責重而事繁時或出署他部則精神散於劄勦時或借才視篆則事體難於諳達萬一變生叵測師旅之寄將誰委哉以故言官曾有建議欲復兵部右侍郎者似應依議復設則平時可藉其贊襄員缺不

難於攝理矣國家節用自有大端區區惜一官餼廩之費甚非所以重機務而固根本也伏乞聖裁

一嚴交代以便責成竊惟將官身寄安危關係最重必其統馭以時服習無間而後稱有制之兵古人所云兵識將心將識士意者良以此也若陞轉不常條來條往為將者多苟且之心為士者無統一之志倉卒有事將焉賴之查得萬歷九年七月該兵部題奉欽依副總兵叅將游擊領班都司守備提調備禦把總除革任提問

等項及緊急調遣不候交代者督撫卽慎選委署外凡
係尋常陞調務候新官見面交代但有不見面交代者
總督撫按即便叅奏革任提問以示懲創此所以重委
任而防疎虞法至備也而獨於南京都督及坐營等官
尚未議及一聞陞轉徑自離任殊於事體未安且都督
多自副總兵陞者坐營多自守備陞者彼處必待交代
故其來也常遲此中不候交代故其去也常速以致陞
調一人則必缺官數月甚者或至年餘平時代署操演

已與士卒不相聯屬況萬一有警分道攻守可使之兼署乎今後相應比照各處事例凡三營都督坐營及浦子口池河守禦官如遇尋常陞調務候新官見面交代方許離任違者聽本部叅奏革任提問庶將領不至乏人而緩急亦無失事矣伏乞聖裁

一清寺觀以杜姦萌竊惟良民各守常業寧有異志煽妖倡亂多屬遊手遊食之徒僧舍道場實其淵藪而在南都尤甚去歲鎮江妖僧實由潛蹤寺觀者漫無稽查

故至於此近該禮科題為妖黨繁興懇乞申明禁令等
事該禮部覆奉欽依嚴行訪捕已經禮部咨南京禮部
轉咨南京都察院行五城御史及行僧道錄司一體欽
遵禁革此誠弭變一大機括也但寺觀與本部原無統
轄難以稽查相應行令僧道錄司查南京附近大小寺
觀庵院若干所住持何人每月朔望各具不致潛歇遊
食僧道及來歷不明之人結狀赴本部投遞以憑查考
如五城及緝事衙門訪捕有獲合將具結者一併問罪

庶人心常知警而姦萌無所容矣伏乞聖裁

一通警報以便應援竊惟兵家之勢須彼此聯絡互相策應譬若臂之使指然自古制勝萬全者率是道也頃者浙中兵民繼亂去留都僅八百里許幸其端復底定萬一猖獗豈不為膚剝之患哉而當時傳聞互異將信將疑欲即時戒嚴則嫌於輕率以搖人心欲從容訪實則恐有稽誤以致失事此皆勢不相屬偵探無憑使人難措手耳查得本部勅諭一應合行事務聽爾便宜處

置有與操江及應天淮揚巡撫衙門相關者與各都御史計議而行副總兵叅遊兵備等官俱聽爾委用調遣敢有抗違者即指名叅究欽此已經通行欽遵去後但近年以來惟操江勢近間相會議其餘若不相關相應題請申明移咨應天淮揚巡撫凡重大機務及遇有警報俱速咨本部知會其副總兵叅遊兵備等官到任離任交代俱申白本部方准放行該管信地倘有盜賊生發及機密重情俱火速報部以便不時委用調遣他如浙

江之嘉湖道江西之九江道湖廣之下江防道俱為近障與留都均有輔車之勢似應移文彼處兵巡官遇有該省警報不論大小俱飛報本部以便處置戰守之具如稽遲誤事聽本部叅究庶遠近易為應援而倉卒亦可備禦矣伏乞聖裁

一收軍丁以實營伍竊惟先王除戎器戒不虞未有聞警而後簡師庀賦者也今世運承平正橐弓偃鉞之日固不敢妄議加兵但留都操軍原額十有二萬其後逃

絕殆盡自嘉隆以來節年因值時變議將餘丁精壯者
選充以實營伍見今操備僅存二萬有奇祖軍與選充
者叅半將來祖軍逃故日多而收補日少選充者原題
一輩槩不收補營伍空虛日甚一日萬一有警又不免
為選充計耳然選不教之民一旦欲驅之鋒鏑之下豈
得為長策哉故與其驟選於一時不若漸收於平日合
無今後選充軍人逃故者比照祖軍事例許其精壯戶
丁替補專一操備不許營求別差違者即行究革庶幾

兵可漸充而臨期無召募之擾士常服習而遇變有敵
愼之資矣伏乞聖裁

一議調選以均事權竊惟將官之設視士卒之多寡則
統轄適均而訓練可以責成查得神機新江浦口池河
四營軍人分隸把總已均大小教場各馬隊把總二員
管軍獨少然馬軍與步軍不同上班操練下班牧養各
該官員督管俱無容議調外惟大教場舍人隊軍僅盈
千而為把總者二選鋒隊軍足二千而為把總者一小

教場舍人隊軍以百計而為把總者二步隊軍幾五千而為把總亦二多者或藉口於統馭之難周少者反駕言於奮武之無地此官之統轄未均也又查得萬歷元年本部題准將大小教場神機三營見操軍士挑選驍雄者三千名分隸三營免其雜差令其訓練至萬歷五年本部會同內外守備科道題准將大教場再行挑選一千名今營中惟此輩精銳可備緩急但小教場軍數與大教場相埒而選鋒半之此兵之多寡未均也合無

將大教場舍人隊把總調一員加充選鋒把總小教場
即於步隊軍內比照大教場事例再行挑選一千名亦
以舍人隊把總調一員加充選鋒把總其大教場原添
選鋒之時因重於設把總而題加衛總三員連前共五
員似應裁減一員俟年終有革任者即於五員之內調
補小教場加添選鋒即於步隊衛總之內調補二員亦
不必添設庶官無增置而權可均重矣及照選鋒之兵
既免雜差似應於歇操之日每月責令團操二次使無

忘所事是又於優恤特加之中寓責成獨重之意也伏乞聖裁

辭免重任疏

為衰庸不堪重任乞恩俯容辭免事臣於本年正月二十五日接到吏部咨為缺官事奉聖旨潘季馴改刑部尚書散官照舊欽此先該臣奏為病根深重日就危急乞恩早賜放歸田里以延殘喘事未奉明旨離任恭候間於二月二十三日准吏部咨為前事奉聖旨潘季馴

著遵新命上緊前來供職不准辭吏部知道欽此臣不勝感激不勝惶悚隨焚香望闕叩頭力疾起程前進外伏念臣樸櫟庸才蟻蠓小器歷官三十四載一籌未輸荏苒六十三年百病俱集具疏乞骸情出肺肝而不意恩綸之洊及也當茲革故鼎新之日正陛下進賢退不肖之時如臣衰庸首宜褫黜謬蒙簡畀實越分涯非惟輿論之未歸即臣亦自信其不可也感奮私悰犬馬自誓苟一息之尚在雖百身其何辭但北曹日近天顏非

衰頽所能趨奉而比部職專司命豈昏劣所可肩承昔
虞廷弼教必藉臯陶漢室明刑猶資定國今陛下之德
比隆虞舜而臣愚之才未能彷彿定國於萬一者覩顏
負乘深懼覆餗拜命以來誠莫知其所措矣伏望陛下
俯察愚衷收回成命將臣放歸田里別選賢能以充巨
任庶幾愚分少安而祥刑可致矣臣下情無任隕越待
罪之至


乞休疏

為病根深重日就危急乞恩早賜放歸田里以延殘喘
事職由嘉靖二十九年進士筮仕推官歷陞今職自卑
及崇已廢復起荏苒三十三年矣先帝培養之深恩我
皇上簡拔之盛德殫竭犬馬勉効涓埃固職之分亦職
之心也豈期分量既逾災緣福過精神大耗病逐齒增
醫藥罔功危迫日甚有不得不哀鳴於君父之前者伏
念職於萬歷七年正月間躬督高堰隄工至二月初五
日因湯恩口難築遂與郎中張譽親往料理凌晨而出

昏黃始竣傳餐不便枵腹終日湖坡曠野風氣倍寒忽
覺左脇下一點如刺透入腹內臟腑皆冷回至爰舍中
昏暈倒地家人輩急以薑湯調牛黃丸灌之方省人事
自是或一月一發或再月一發然猶勉強視事不敢杜門
求攝蓋以大工方殷百責攸萃勢不得不然也延至萬
歷八年十月內解任南來職自度此疾必須棄官調理
具疏乞歸荷蒙溫旨慰留令職毋得再辭職感激愈深
圖報愈切且時當明盛正士盈朝職亦誠有不忍言去

者力疾赴任忽復二年前病雖或間發猶能尸素至本年十月內則旬日一發至十一月則五六日一發至十二月中旬則三四日一發發則五內如冰昏眩移晷兼以寒氣上攻喘嗽不止晝夜呻吟若頃刻不能自存者醫生金文章等皆謂病根已深必非旦夕可愈南兵機務頗繁淹淹廢事職罪大矣伏望陛下察職實有不忍求去之心憐職實抱不得不去之病特賜矜允放歸里間苟延一日陛下一日再生之恩也職無任激切祈懇

惶悚待罪之至



潘司空奏疏卷三

欽定四庫全書

史部

潘司空奏疏卷四

詳校官國子監司業臣納麟寶

編修臣裴謙覆勘

總校官檢討臣何思鈞

校對官編修臣邱桂山

謄錄監生臣唐 淮

欽定四庫全書

潘司空奏疏卷四

明 潘季馴 撰

巡撫江西奏疏

聞報起用辭疏

奏為宿病未痊不堪鞭策懇乞天恩容令休致事臣於
萬曆四年三月二十二日據走報人章學益等齎到邸
報該吏部題奉聖旨潘季馴著以原職巡撫江西地方

兼理軍務寫勅與他欽此臣不勝感激不勝惶恐時方
呻吟牀第間力疾北向焚香叩頭致謝外竊念臣曩歲
再任河道迂踈之資上負任使先帝薄示譴責放歸田
里草莽餘生甘心麤糲毫髮無所覬覦矣我皇上乃復
不以臣為不肖拔之久廢之中授以節鎮之任高厚至
恩犬馬思奮況當清明之世孰無効用之心銜結微悰
勃不可遏但臣向在河工濕侵右足每遇陰雨痛不可
忍臣有兄仲驂冤禁十年屢經駁勘臣連歲匍伏乞哀

於當事諸臣而問官過為避忌眇不矜原焦憤之餘臟
血陡下血愈虛足愈弱醫者咸謂其勢必至痿痺巡撫
係一方之安危固難臥治而贊理為三軍之司命尤非
可以坐視者況臣兄在囹圄而覲顏臨人錦衣肉食以
積病之軀行悖理之事愧心一發壯氣益銷抑將何以
展布仰副我皇上之任使哉伏望收回成命別選賢能
以克重任俾臣得偃息林泉苟延殘喘則臣未殞之年
皆我皇上再生之恩矣臣無任感激祈望之至

部覆附

吏部為宿痾未痊不堪鞭策懇乞天恩容令休致事該本部題考功清吏司案呈奉本部送吏科抄出原任總理河道兼提督軍務都察院右副都御史潘季馴奏前事奉聖旨吏部知道欽此欽遵抄出送司案呈到部看得原任總理河道兼提督軍務都察院右副都御史今起巡撫江西地方潘季馴奏稱宿痾未痊乞要休致一節為照本官蚤負才名雅有清望頃者江西巡撫員缺

臣等以其才望具宜會議上請特蒙簡用廼今以久病
為辭奏欲休致以大臣體國之義自當不有其身矧屬
微疴原非痼疾即云兄在急難難忘原上之情然國有
定法事有考成自無久滯之理本官豈得緣此私情忍
負知遇合候命下行令本官遵奉明旨作速前去江西
交代行事毋得再行瀆奏但大臣進退出自朝廷臣等
未敢擅便伏乞聖裁等因

萬歷四年四月二十七日太子少保吏部尚書張等具

題本月二十九日奉聖旨是潘季馴著遵旨赴任供職
報代謝恩疏

奏為接管巡撫地方恭謝天恩事臣先任總理河道右
副都御史奉旨回籍於萬曆四年三月二十二日准吏
部咨該本部等衙門會推題奉聖旨潘季馴著以原職
巡撫江西地方兼理軍務寫勅與他欽此欽遵備咨到
臣先該臣接到邸報於本月二十六日具本為宿病未
痊不堪鞭策懇乞天恩容令休致事差家人潘慶齋奏

至本年五月二十六日又准本部咨該本部覆奉聖旨
是潘奎馴著遵旨赴任供職欽此欽遵備咨前來臣即
望闕叩頭謝恩力疾起程於本年六月二十九日前赴
江西地方准前任巡撫右副都御史楊 咨送符驗壹
道清查寺田督追錢糧安插庶人家口勅諭各壹道旗
牌旗面副巡撫江西關防壹顆及文卷交與臣接管行
事仍候勅諭至日欽遵外伏念臣迂菲之姿已試弗效
跼伏草莽潦倒有年自分終身無復向用之日矣茲以

不然之灰謬承非望之寵謗才多病實懼不勝陳疏懇
休再叨溫命高厚至恩蔑以加矣我皇上既不以臣為
不肖臣敢復自有其身哉願竭犬馬之餘生仰荅涓埃
于罔極勉修前哲之遺矩用保一方之謐寧臣無任感
激屏營之至

奉勅疏

題為欽奉勅諭事臣於萬厯四年八月初六日欽奉皇
帝勅諭今特命爾巡撫江西地方兼理軍務駐劄會省

嚴督所屬操練兵快修理城池撫安軍民祛除姦惡各該府州縣務要時常往來巡歷如遇盜賊生發即便督同三司掌印守巡兵備守備等官設法勦除一應軍馬錢糧事宜小則徑自區畫大則奏請定奪事關各省者與各鎮巡官計議而行其軍衛有司官員敢有貪殘畏縮誤事者文職五品以下武職三品以下徑自拏問發落所部官軍若在軍前違期逗遛退縮者俱聽以軍法從事生擒盜賊鞫問明白斬首示衆毋令滋蔓司衛府

州縣官員有公廉勤幹修舉政務者量加旌獎貪酷不才虐害軍民者即便拏問黜罰應奏請者指實叅奏其事有便於軍民勅內該載未盡者悉聽爾從宜處置具奏定奪爾為憲臣受茲委任尤宜持廉秉公正已率下如或不先自慎及行事乖方以致地方弗寧責有所歸爾其欽承之故諭欽此該冠帶舍人吳鏜齎捧到臣當即望闕叩頭謝恩祇領欽遵行事外謹具題知

飛報寧州賊情疏

題為飛報賊情事萬厯四年七月十四日據分巡南昌
道兼兵備僉事王徽猷揭報先據寧州并靖安縣申報
流賊緣由已經陸續揭報外今該本道差兵哨探查訪
的實前賊自六月二十八日從州白茅地方渡水的數
二十二名奔流靖安寧州之間止此一夥柒月初三日
在金雞橋對敵各兵與各義士親見大約二十餘名義
士吳鳳笙吳天河認係有名巨魁流盜李大鷺王西山
楊青山吳子明等在內被李興旺兵殺死二賊吳鳳笙

兵殺死四賊初七日據快手李廷燦報稱哨得初五日
有程坊挑紙人在涉坑地方遇賊躲身茅叢看見賊數
只是十六七人嘆氣損傷等因行間又據分守南昌道
左叅政盧仲佃揭報叔道差人徐益龔朝探得流賊於
六月十六日從黃柏山入雙坑王正清家住歇十七日
在桃李源哨對陣砍碎詹作殺死陳俊王坤王子先張
忠六月二十六日住靖安縣地方雙坑洞口對陣殺死
捕兵舒元砍作八塊又殺死鄉兵陳有餘陳祿寺僧正

春楊隆至礮坑下洞口放火燒燬陳宿陸家房屋七月
初三日在金雞橋殺死官兵譚達李春元等五名將土
兵吳鳳祥砍碎取出心肺又殺死伍名俱土兵無名把
總戴素亮吏目柳益各帶兵在桃坪地方困守十一日
據定江巡檢司報賊出黃岡哨殺死官兵四名黨正地
方二名土兵四名等因到道看得前賊不劫財不虜人
與往日寇盜不同東奔西走殺敵官兵鄉兵極其慘毒
且聲言報冤約在八月大舉此必死之寇所當急為剿

滅者也在今日言之布恩威開生路以散其黨據要害壯軍威以伐其謀誠為急務但前賊皆係漏網巨酋且山路深密哨探不及今日靖安明日寧州又明日新昌矣而武寧上高及萬載等處俱賊盜流奔之地我兵往來奔波無裨防剿合將各官兵分作三枝各分信地賊到不能擒拏各照地方受罪其萬載等處行令湖西李副使撥兵防剿前項盜數不多鄉兵官兵奮力向前必可就擒等因到臣據此查得接管卷內本年五月二十

七日該前巡撫都御史楊 據南昌兵巡僉事王徽猷
揭據寧州報稱巨寇羅朝廣等百有餘衆在於鄰界刦
財殺人等情隨該楊都御史行該道嚴督防剿續據回
稱各賊分為三夥其一夥徐武等一夥羅朝廣等共一
十八名俱湖廣江防道擒獲一夥楊青山等奔逃萬載
縣地名黎源天井窩去訖戴素亮擒獲真盜彭生柒時
祿等解道餘賊遯散等因又經牌行各道嚴督防剿緣
由在卷臣於本年陸月貳拾玖日前赴廣信府與楊都

御史交代即起程往省七月初二日至安仁縣查得前賊尚在寧靖萬載地方流劫隨行分巡湖西道添兵圍困又節行南昌兵巡道發兵協捕臣猶慮前項地方居民以山為險非窩即盜習以為常見在賊數雖稱不多安知反側之徒無陰為接濟漸增羽翼者隨行分守南昌道盧叅政親詣各地方沿鄉榜諭除見在賊徒定行捕剿外其原曾窩劫今不在夥者許令自新不必株連逮捕同夥從賊有能率衆擒斬巨魁赴官告首者免其

本罪仍照常人一體克賞及訪得戴素亮逗遛畏縮牌
行按察司提問另調鄱湖守備鄧子龍統兵協剿去後
今據前因該臣看得各州縣原報山賊除湖廣江防道
擒獲外止楊青山等一起尚在寧州未散但報數目既
已不多何致延蔓日久地方各官若肯努力追剿殄滅
亦易却乃既不能消患于未萌以致寇盜之猖獗又不
能奮勇于事後以致地方之傷殘所據南昌兵巡僉事
王徽猷南昌府巡捕通判袁祖義寧州知州陳以忠靖

安縣知縣朱玉寧州巡捕吏目柳益靖安縣巡捕典史趙不昧通合叅提究問但當兵事倥偬之時用人為急伏望勅下該部行臣嚴督各官戴罪剿捕事寧之日容臣分別功罪奏請定奪庶人心警惕而桑榆之功可收矣

保留方面疏

題為保留給由方面官員事據江西布政使司呈奉臣批據江西按察司呈准本司提學副使莊國禎關本職

年四十四歲福建泉州府晉江縣人由進士嘉靖四十一年十二月內初除浙江紹興府會稽縣知縣選授戶科給事中陞工科右給事中陞浙江按察司僉事陞江西布政司左叅議陞廣西按察司副使萬厯元年六月初十日到任萬厯二年正月內改調今職於本年三月初二十五日離任至七月二十日到任閏十二月內准廣西按察司關該兵部覆議查勘過征剿懷遠功次題奉欽依加陞一級隨該吏部查得本職調任已離地方加

職似屬不便及查提學憲臣亦無加銜事例題奉欽依
加陞從三品俸級萬厯三年三月內又准該司關該兵
部覆勘過順剿洛容等處功次題奉欽依陞俸一級併
前任扣該萬厯四年九月初四日止連閏共實厯俸三
十六箇月三年任滿例應給由等因奉批仰布政司查
報依奉查得副使莊國禎前後厯俸共足三年例得通
理給由但該司方缺掌印官且大計在邇本官閱厯既
深庶屬悉資鑑別總茲憲紀似難暫離相應留任詳報

到臣據此案照先准吏部咨該本部題今後在外大小
官員三年六年給由果有兵革災傷地方重寄許撫按
官合詞奏留又准咨開在外官員除方面府佐照舊赴
京有事地方照舊保留又准咨開以後考滿官員不論
前後歷任年月多寡俱得通理萬厯三年四月內又准
咨開一復外官考績之制在外撫按官以後方面府佐
官考滿查係地方果有緊急重大事情勢難離任者方
許奏留差人齎繳牌冊若無事地方仍令赴部考覈毋

得一聚奏留違者聽本部并該科叅治各等因俱題奉
欽依移咨前來通行遵照外今據前因該臣會同巡撫
江西監察御史張 看得副使莊國禎道養冲和治才
敏練兩浙之聲猷具在尚遺去後之思西粵之勞勩尤
多茂著底寧之績掄材江右更得士心文章崇雅黜浮
時習還淳去薄惟經術世務之兼濟故文事武備之咸
宜茲當任滿例應給由但該司按察使李廷龍未任身
故今方報缺副使王象坤進表未回副使魏體明整飭

九江副使朱如整飭贛州副使李臺整飭袁吉各兵備僉事
霍與瑕管理屯鹽水利近又帶管湖東兵巡事宜見今移駐
撫州各該道分俱係有事地方勢難回省此外並無餘官且
於內又當議委一員入覲該司堂印見係本官署掌大計在
邇評隲重寄俱應責成似難照常離任相應遵照奏留伏乞
勅下吏部再加查議容令本官在任支俸管事將前後任內
歷過事蹟照例造冊差人齎繳惟復仍令赴京給由

考覈守令疏

題為保留給由官員事據江西布政司呈詳奉臣批據
臨江府申詳本府知府周大烈年四十八歲湖廣武昌
府興國州大冶縣人由進士除授直隸池州府銅陵縣
知縣陞戶部江西司主事改授南京兵科給事中陞今
職萬厯元年八月二十七日到任扣該萬厯四年七月
二十六日止撫州府崇仁縣申詳本縣知縣陳應梅年
三十二歲福建興化府莆田縣人由舉人除授廣東潮
州府潮陽縣儒學教諭陞授今職萬厯元年六月初六

日到任扣該萬厯四年五月初五日止各連閏實厯俸三十六箇月三年任滿例應給由等因俱奉批仰布政司查報依奉行據該府縣查得各官任內經管接管督徵過一應錢糧俱完解納獲批單附卷並無粘帶未完違礙緣由并送各官到司合就呈乞照例考覈題請等因到臣據此卷查先准吏部咨為酌議考課之法以肅吏治事內開今後府州縣正官給由免其赴京聽撫按官從公考覈賢否具奏先令復職管事牌冊差人齎繳

稱職經薦應得誥勅照例請給其平常不稱職者部院會同酌處等因題奉欽依備咨前來通行遵照外續據該府縣申呈前事就經批司查報去後今據前因該臣會同巡按江西監察御史張從公考覈得臨江府知府周大烈資性嚴明議論慷慨裁公費查稅銀事事務期於潔已飭河防修圩岸念念惟在於安民政譽久騰績效丕著撫州府崇仁縣知縣陳應梅氣質醇厚識慮周詳撫字催科漸清積年之逋負刑罰教化頓回故習

之刁風真實之心循良之政各官三年任滿似應給由
但見奉明例正官免其赴京除令各官照舊支俸管事
外伏乞勅下吏部再加查議如果臣等所言不謬將各
官免其赴京照例造完牌冊徑自差人齎繳赴部覆覈
施行

請就近推補寧靖州縣官疏

題為乞恩軫念地方就近推補官員以安民生事據江
西布政司分守南昌道左叅政盧仲佃呈奉臣紙牌仰

道即便遵奉明旨住俸戴罪前去寧州緝捕未獲逋賊
及查按察司見今缺官兵巡道印務相應該道帶管仍
選委廉幹官員前去寧州并靖安縣與知州陳以忠知
縣朱玉交盤署掌印務及接管各該巡捕事宜并行原
調守備鄧子龍嚴加緝捕務期盜賊盡獲地方寧謐等
因依奉隨該本道即往該州及行鄧子龍加意緝捕外
查得各州縣印務別無堪委官員寧州查有該州同知
宋廷重靖安縣查有本司經歷陳汶俱應委署合候呈

允行令各官即便署掌兼管巡捕事宜等因到臣據此案照先該臣接到邸報內開該吏部覆巡按江西監察御史張題為山賊嘯聚劫財殺人叅究失事官員以懲怠玩以靖地方事奉聖旨這地方賊情重大王徽猷職專兵備賊未及獲輒稱地方寧謐顯是欺蔽著照例革了職冠帶間住袁祖義等姑降三級調邊方用柳益趙不昧俱革職為民仍與戴素亮都著巡按御史提了問盧仲佃住了俸戴罪拏賊候事寧具奏該省撫按官

前已題奉欽依將兵備官專住寧州如何又縱令安坐
省城不行移住以致失事且不查究欽此備行該道去
後據呈前因除批暫准委署巡捕似難兼攝亦行專委
外為照寧靖州縣萬山聯絡重巖邃穴茂林深菁地既
多險民亦少淳前項賊徒今雖俘馘殆盡難保餘孽不
興防禦之策固未可弛而剿殺之餘尤先撫字誠非賢
有司不可也前項委署官員止可暫令看守庫獄責以
撫剿事宜殊有未堪因地擇人當事者自有定見但恐

到任遲緩地方多虞伏望勅下吏部即將前缺掌印巡捕等官就近查有賢能官員或陞或調勒限前來供職庶官不乏人而地方有賴矣

報擒山賊并議功疏

題為山賊嘯聚刦財殺人叅究失事官員以懲怠玩以靖地方事據江西按察司呈萬曆四年七等月內先後奉臣并巡按江西監察御史張批據守巡南昌湖西各道呈詳賊犯詹孔舜等各招由俱批行本司會同各

道併招詳報依奉該本司署印副使莊國禎會同分守
南昌帶管兵巡道左叅政盧仲佃分守湖西道右叅政
陶幼學分巡湖西兼兵備道副使李臺會查得案照本
年五等月內陸續據各州縣哨報見獲賊首方德峰即
詹少峰的名詹孔舜盧本江溷稱羅朝廣糾合見獲吳
子明潘起鸞潘起鳳王友約張足伍吳恩鄒直陸楊辰
保吳未保唐再耀陳香胡大灼蘇顯劉恩鄒添牙胡天
善盧翠芳鄒邑榮彭文松彭本楊玖牙劉尚坤曾正鄉

李辰保鍾能合熊守誠熊守信羅光祖羅貳保丘老仔
余文益何巽玖劉明道謝乾叁陳天祥毛時良王恩楊
汝璫及在陣殺死羅苟保張朝俸羅朝鳳喻廷吳劉麻
子魯寅牙仔長牙仔監故彭生柒時祿譚昔鸞未獲黃
由貴涂巢彭生保等并不識姓名共六十餘人一向與
先獲賊首楊鳳鸞等在於寧州靖安武寧等處打劫已
省發失主戴文利熊尚位熊廷善陳貞貳等家王友約
潘起鸞各故違強盜殺人放火姦汙人妻女梟首示衆

事例王友約虜戴文利媳李氏即孝貞潘起鸞虜熊尚
位妻張氏各姦占為妻及有見獲彭賢明熊守清熊守
信胡邦智喻尚臣各窩詹孔舜等在家商謀行刦坐地
分贓節蒙兩院督行司道嚴行緝捕未獲先於萬厯三
年十一月內蒙前任楊都御史行南昌兵備道僉事王
徽猷搗滅盧源洞擒獲楊鳳鸞等三十餘人奏請處決
詹孔舜等逃至湖廣平江等處打刦張朝志劉清貴喻
廷鳳湛朝昞胡苟伍各家金銀首飾等物各又故違前

例詹孔舜吳子明虜湛朝昞女五姑秋姑盧本江虜劉清貴妻王氏潘起鳳虜喻廷鳳妻李氏張足伍虜張朝志妻趙氏各姦占為妻妾後因湖廣有兵隄防詹孔舜等要得仍回寧靖打刦并帶前虜婦孝貞等七口及不識姓名多人前到大瀉山藏住該兵巡道王僉事探知各賊消息揭報巡撫楊都御史巡按張御史俱牌行本道多方哨探如遇流住即行兩省會兵夾剿隨該本道督委名色把總戴素亮帶兵前到排埠平田石田等處

分兵往劄防剿詹孔舜等令彭生柒時祿譚普鸞潛回探信被兵捉解本道審發該州監問戴素亮畏懼賊勢假以防守城池為名於六月十四日徹兵回州詹孔舜等探知隨於本月十六日帶領衆賊屯劄雙坑王正清王萱芳家炊飯當有隊長瞿廷器探知轉報義士黃厥傳督領鄉兵追剿詹孔舜等各又故違前例持鎗對敵詹孔舜殺死精兵陳俊鄉兵王奇芳吳子明殺死精兵夏儀盧本江殺死精兵詹作潘起鸞殺死精兵王坤潘

起鳳殺死精兵王子先王友約殺死精兵張忠張足伍
殺死鄉兵王良本當蒙巡按張御史牌行守巡道分發
官鄉兵勇把截擒剿務保無虞彼分守盧叅政帶管湖
東道務前到廣信候新舊撫院交代隨該王僉事督行
戴素亮帶兵追剿彼戴素亮逗遛不進以致詹孔舜等
又轉入靖安礮坑打劫陳宿陸家摻無財物將本家房
屋放火燒燬鄉兵追救殺死賊張朝俸喻廷吳各賊不
忿奮勇向前張足伍殺死鄉兵陳有餘陳祿詹孔舜殺

死捕兵舒元砍作八塊吳子明殺死僧人王正春盧翠芳殺死鄉兵楊隆各賊仍轉寧州分投熊守清熊守信胡邦智家住宿隨據葫蘆洞內比該巡撫江西潘都御史入境交代行至安仁地方聞知前情牌行南昌湖西貳道督行寧州新昌瀏陽等縣并把總操捕等官同謀協捕又蒙巡按張御史訪得詹孔舜等刦財殺人地方失事道府州縣傳報支吾據實具奏間有哨總艾春義士吳鳳笙等帶兵追捕各賊抵敵殺傷官兵劉忠艾時

益俱墜崖身死殺傷鄉兵李正隨遜入金雞坑吳天河
帶同家兵吳天影吳朝旺吳天東吳鳳歡吳子集等衝
進本坑吳天河用爬打死長牙仔吳天影殺死羅朝鳳
吳朝旺殺死曾寅牙仔吳天東打死劉麻子共四名詹
孔舜等殺死鄉兵吳鳳簫等共三名殺傷一名地方驚
惶七月初六日潘都御史到省看得賊勢猖獗隨行各
道將賊情查明具題及會同巡按張御史牌行分守盧
叅政前到寧州協同王僉事相機擒賊以靖地方又調

委鄱湖守備鄧子龍帶同名色把總蔣舜恭胡裕統領各兵前到寧州剿捕又蒙潘都御史慮恐地方反側之徒陰為接濟漸增羽翼牌行分守南昌道沿鄉榜諭除見在賊徒定行捕剿外其原魯窩劫今不在夥者許令自新不必株連逮捕同夥從賊有能擒斬巨魁告首者免其本罪仍照一體克賞貳道隨給示徧諭及將浙土精兵分作叁哨督令胡裕蔣舜恭艾春分領前往平田石田排埠俱聽鄧子龍調遣殺賊又行瑞州府通判周

明衛把總袁祖澤帶兵把守黃岡洞各賊因見二道親督官兵前來密布帶同各虜婦逃往湖廣黃稗坪吳恩鄒直陸等潛往彭賢明家各躲住潛令羅貳保到寧州義父周端本家探聽消息周端本帶首到官報出各賊蹤跡二道連夜發兵前到彭賢明家捉獲吳恩鄒直陸彭文松彭本賊妻劉氏并彭賢明又各處搜獲丘老仔劉尚坤楊玖牙又該湖西道捕獲鄒邑榮魯正鄉鍾能合各具招呈解兩院覆審無異批按察司會審守巡南

昌道又督行鄧子龍領兵前到黃桿坪直入賊巢詹孔
舜等知風衝圍走脫當獲盧本江吳未保虜婦王氏李
氏伍姑秋姑解州夥賊羅苟保逃至瀏陽被官兵殺死
訖二道又督各該官兵拏獲楊辰保陳香胡邦智胡大
灼蘇顯唐再耀余文益熊守誠熊守清熊守信審問間
遵奉明旨王僉事回籍隨蒙兩院牌行分守盧叅政帶
管兵巡道務專駐寧州擒拏遁賊本道弔取盧本江細
詢口供各賊姓名及逃遁處所當發官兵奉靖寧武等

處各匿賊地方擒捕及呈請軍門移咨湖廣軍門知會
并牌委鄧子龍領兵押同胡大灼三日兼行五百里直
抵醴陵茅岡洞擒獲吳子明張足伍及追至湘東地方
拏獲王友約詹孔舜潘起鸞潘起鳳劉恩盧翠芳鄒添
牙虜婦孝貞張氏賊婦陳氏羅氏各官兵又於本州地
方拏獲楊汝璫王恩虜婦趙氏守巡湖西道又先後緝
獲何德富羅光祖何巽玖胡天善李辰保喻尚臣劉明
道謝乾參毛時良陳天祥賊婦董氏各到道審招轉解

去後今奉前因該司道各官弔取各賊逐一細審得詹
孔舜等俱數十年積案巨寇盤據山谷嘯聚鄉村虜婦
刦財殺人放火東奔西突流毒兩省舊年蒙楊都御史
剿滅盧源洞各賊逃過湖廣刦掠今復糾衆回州剽刦
鄉村敵殺官兵窮兇極惡罪不容誅荷蒙兩院軫念調
發兵將指授方略羣力爭効衆醜並殲真足以洩神人
之憤矣該本司查得捕盜條格內開若果地方有盜即
行申報上司就便捕滅上司官若聞地方有盜即撥兵

馬就便捕滅者免究仍敘錄其捕盜之功量多寡為陞賞除原任南昌兵巡道僉事王徽猷先因寇興而傳報未實繼因督責而擒獲亦多但既經奉旨處分不敢再敘外為照分守南昌帶管兵備道叅政盧仲佃歸自湖東旋臨賊數分哨據險遣將調兵擒二十年積案巨酋幾無遺類慰六州縣被害人戶殆若更生始奉明旨任俸戴罪拏賊今賊已盡拏似應准與開俸分守湖西道叅政陶幼學分巡湖西兼兵備道副使李臺篤同舟之

誼張犄角之威先事預防並竭心力相機撙剿悉拔根
萌似當併敘鄱湖守備鄧子龍忠誠自許謀勇兼資執
銳披堅身先多士衝鋒冒險手縛元兇孤軍成破竹之
勲萬口協干城之譽似應破格優敘以酬其勞其餘有
功員役難以一槩敘錄相應分別首從照格獎賞除戴
素亮等奉有明旨另招詳報外取具賊犯詹孔舜等供
招見在合就依律議擬具招通詳并乞比照花園強盜
事例題請及時會決梟示以振法紀等因具招并取具

寧靖等州縣地方寧謐結狀各到臣據此案照先據各道飛報前項賊情已經具題及接邸報該吏部題覆前事奉聖旨這地方賊情重大王徽猷職專兵備賊未及獲輒稱地方寧謐顯是欺蔽著照例革了職冠帶閒住袁祖義等姑降三級調邊方用柳益趙不昧俱革職為民仍與戴素亮都著巡按御史提了問盧仲佃住了俸戴罪拏賊候事寧具奏該省撫按官前已題奉欽依將兵備官專住寧州如何又縱令安坐省城不行移住以

致失事且不查究欽此已經欽遵督行各道并將領等官將各餘賊盡行摻捕解報去後今據前因除將各賊犯招罪覆詳無異批行該司牢固監候其各官兵零剿有功遵奉勅諭量行犒賞外竊照寧靖新萬等州縣複嶺重岡既有可恃之險民貧地僻復多亡命之徒饑則夥刦鄉村飽則散歸窩主揚旗露刃白晝公行放火殺人所向披靡鄉民任其荼毒有司莫敢誰何況與湖廣瀏平交界東追西匿此逐彼奔地分兩省肥瘠異視幸

其出境輒報謐寧沿習有年隱憂固在臣莅任之初適逢其會隨會同巡按御史張簡調發官兵以遏其鋒出給榜諭以散其黨然非仰仗天威震懾諸臣感奮則積案巨賊豈能俘馘如此其多而越境元兇豈能擒獲如此其易也所據地方諸臣皆為分事何敢言功但據該司查議前來要得分別敘錄以勵其後合無俯從除原任南昌兵巡道僉事王徽猷已奉明旨處分臣無容別議外該臣看得分守南昌道叅政盧仲佃自湖東還省

之時正賊徒猖獗之日躬臨巢穴分布官兵開誠布公
羽翼盡為解散追亡逐北渠魁悉已成擒原奉明旨住
俸弼賊事寧具奏今地方既寧似應准與開俸或仍照
捕盜條格量錄其功者也守巡湖西道叅政陶幼學副
使李臺深切同舟之心共成犄角之勢隄防克謹地方
固已無虞摻捕有方擒獲亦稱多績所當併敘者也鄒
湖守備鄧子龍智能料敵勇足濟謀布衣草履溷跡行
伍而黠寇莫測其機晝伏夜行深入賊巢而巨酋難逞

其技獲功於異省用力尤艱摧敵於方張先聲克振所
當優敘或量加職銜者也及查得名色把總戴素亮始
焉無故徹兵遂致賊人之深入繼焉逗遛不進坐視剽
掠之橫行況平時挾詐鄉村人皆切齒事後縱放強賊
尤可寒心既與吏目柳益典史趙不昧奉旨提問應聽
別卷分別輕重擬罪者也如蒙勅下該部再加查議惟
復行巡按御史勘實如果臣言不謬將盧仲佃等分別
功罪俯從處分其賊犯詹孔燁等容臣會同巡按御史

即便處決例應梟首者仍梟示各該被害地方庶賞罰明而人心自勵法紀嚴而地方永賴矣

條議寧州地方善後事宜疏

題為山寇寧息及時計處以防後患以圖久安地方事
據江西布政使司呈奉臣并巡按江西監察御史張簡
批據分守南昌帶管分巡南昌兵備道左叅政盧仲佃
守巡湖西道右叅政陶幼學副使李臺呈先奉臣等案
驗看得寧州靖安萬載新昌等縣萬山聯絡中皆可為

盜藪各賊今雖漸息難保不復嘯聚若待出劫有形而後發兵追捕則不免有臨渴掘井之悞使其東征西竄南追北突官兵徒自奔波無益防禦仰道即將餘賊盡行撈捕并將善後事宜虛心訪求從長計議務俾盜賊無所潛遯地方賴以永寧具由通詳等因奉此隨該各道督發原調都湖守備鄧子龍帶領哨兵搗巢及前到湖廣瀏陽平江黃稭坪等處又二道密差官鄉兵快擒獲賊首詹少峰吳子明王友約盧本江潘起鸞潘起鳳

張足伍等四十餘名皆二十年積案巨酋萬口稱快目
今地方俱已寧息但趁此平定之時若不講求善後經
久之計難保前孽之不復萌今該各道遵照原行虛心
諮訪開列條款呈乞施行等因隨奉兩院俱批本司會
議詳報依奉該本司左布政使柴淶右布政使何子壽
會同按察司署印副使莊國禎守巡南昌道左叅政盧
仲佃守巡湖西道右叅政陶幼學副使李臺督糧道左
叅議沈奎屯田道僉事霍與瑕都司都指揮僉事胡忠

重覆查議得前項地方詢之輿論皆以不據要地不立將官不分哨守決非所以控制地方以為全省之捍蔽也所有一應事宜照款覆議合就通詳等因到臣據此案照先經案行各道撥捕餘孽及查議前來尤恐不的該臣親詣各該州縣督同叅政盧仲佃南昌府同知顧其志南昌衛指揮賀應文將前項盜賊棲止出沒必經之所逐一查勘詢諸士民稽其形勢委有不可因循者隨該臣并巡按御史張簡俱將各道前呈緣由批行該

司會議去後今據前因又該臣會同巡按江西監察御史張簡照得寧州并奉新靖安武寧新昌萬載等六州縣皆係附省之邑去省近者百餘里遠者不過四百里名雖分隸三府其實盤旋山谷間並無尋丈平行之地重巖複嶂深箐茂林隨處可窩隨險可據今猶幸地方之民力嗇者多無籍者少而無籍之徒猶幸其欲易足欲足則散萬一地方多事乘機嘯聚則江省不免震動而諸郡皆為不寧矣茲者仰仗天威諸臣奮勵積案巨

苗俘馘殆盡地方見已寧謐或可少舒皇上南顧之憂
然不及時整頓他日必當復滋臣等反覆思惟委應計
處與其周章於有事之日不若料理於無事之時雖不
免為亡羊而緝籬然猶勝於養癰而致潰謹列七事上
請伏望勅下該部再加查議如果臣等所言少有裨益
俯賜允行地方幸甚臣等幸甚

計開

一議添設守備竊照寧靖奉武新萬六州縣萬山

聯絡巖谷深險且與湖廣平江瀏陽通城興國等州縣相隣而大為山橫界其中流賊嘯聚為窟饑則剽掠鄉村飽則復歸巢穴為患積有年矣近雖移建兵巡道於寧州足為彈壓但平時操練遇警折衝非將不可況盜賊生發之處離州不下三百里報賊調兵往返便至六七日賊起則苦於哨探之未真賊退則苦於追捕之不及奔走道路無裨防剿為今之計必須局鎖外

戶然後可以扼險控制設立中軍然後可以相
機捍衛查得該州有銅鼓石地方居瀏平新萬
及寧州適中之地盜賊出沒便於邀擊相應於
此設立中軍衙門伏望勅下該部查議添設守
備一員給賜專勅一道前來駐劄撥與精兵一
千名分班操練仍屬南昌湖西兵備道管轄遇
有寇警一面呈報一面剿捕如賊逸出湖廣瀏
平興通醴陵及本省萍鄉等處許其出境追捕

各該地方巡哨官兵聽其調度協勦勅內明白
開載庶免掣肘如此則賊險先據盜源可息不
惟六州縣恃以無恐江省且倚以為重而湖廣
鄰封之禍或可消弭於萬一矣伏乞聖裁

一議改調將官竊惟任將固在得人而草創尤宜
慎始臣等看得鄱湖守備鄧子龍智勇俱全膽
略兼濟擒巨酋於異省易若探囊過狂寇於方
驕勢如壓卵況本官之經略地方已久夷險固

所熟知而士卒之受其約束尤嚴閭閻俱稱不
擾當此開創之時得借本官料理實為有賴伏
望勅下該部再加查議將本官改註本處守備
或量加職銜以鼓其氣其鄱湖員缺另行推補
再照該州正佐官員尤為喫緊近該知州員缺
上厓廟謨留神遴選地方甚幸但捕盜官未有
其人臣等查得弋陽縣主簿丁景方先任臨川
縣典史冒險擒賊膽略素雄堪任巡捕之職伏

望勅下該部查果相應將本官調陞寧州判官
專管捕盜其該州見任判官束桓查其政行無
議責之捕盜為難相應另行改選免其赴部則
正佐皆為得人文武可以協濟一轉移之間地
方允有賴矣伏乞聖裁

一議分布哨守竊照寧州銅鼓石地方既設有守
備衙門四面節制頗得要領但五縣道里遼絕
遥制為難四山巖穴尚多竊發叵測顧此失彼

未為萬全詢之地方輿情俱云新昌之黃岡洞
萬載之黎源洞奉新之百丈洞靖安之雙坑洞
武寧之黃竹洞俱可潛通大為山流賊易於藏
匿相應各立一哨每哨即於守備營內撥兵一
百名揀選能幹慎密千百戶五員分投管領操
演雙月輪班更換俱聽守備衙門約束遇有警
報一面申呈一面剿捕仍傳報各哨互相策應
不得推諉及查黎源洞原有坐落屯田七十二

戶土廣人稀軍餘不便管業多招流民佃種因
而縱其剗財分用為患非一日矣合無即令該
哨官就近管理以便約束屯軍其各哨官廩糧
量從優處積有年勞特為薦揚破格超克守備
之選如有失事即行叅提重治如此則遠近相
維首尾相應分地責成而地方可保無虞矣伏
乞聖裁

一議改設巡司查得銅鼓石地方原設有定江巡

檢司歲編弓兵二十四名在彼防捕兵弱勢孤
虛糜廩餉今議銅鼓石建立守備衙門該司似
為冗贅及查新昌縣黃岡洞山谷深僻人民稀
少哨官難於棲止合無將前定江巡檢司改隸
新昌縣移設彼處與該哨兵營兼設並峙併力
禦防庶地方不至遼曠而官兵便於久住矣伏
乞聖裁

一議處給兵餉竊照銅鼓石大營并五哨兵輪班

哨練該撥兵一千名又守備官家兵四十名五
哨官家兵各十名共該一千零九十名所有應
給糧餉俱應立有定額查得寧州舊營原兵五
百名係寧靖奉武四州縣撥出精兵今兵備道
駐劄該州去銅鼓石營甚遠除留兵二百名聽
該道哨守追剿外止餘兵三百名又瑞州一府
要害在於新昌今設立黃岡洞一哨相應於該
府操練精兵內撥出二百名袁州一府要害在

於萬載今設立黎源洞一哨相應於該府精兵
內撥出二百名統前共有兵七百名尚欠兵三
百名今應召募及前開守備哨官家兵通共該
添兵餉三百九十名相應處給查得本省舊有
浙兵一千餘名俱有額派軍餉近年漸漸消革
僅存三百餘名而原設兵餉固在也相應於內
查支給作新添營兵工食餉不增而兵自足民
不擾而事克濟宜無便於此矣伏乞聖裁

一議兩省協剿竊惟天下之事每成於相濟而敗於相諉聞之兵法曰腹背受敵雖強而踣江西湖廣地方固多山賊然非兩省交界合拳獨擊何難消弭今賊發於楚楚之官兵知而禦之賊遯而之江楚弗之問矣賊發於江江之官兵知而禦之賊遯而之楚江弗之問矣分地分民我心不協此追彼突賊固裕如之何其克寧也今歲七月間臣等調鄧子龍至寧剿捕賊聞其

聲連夜逃往瀏陽醴陵地方臣等即督鄧子龍
過境擒剿而移文湖廣軍門知會陳都御史亦
即移檄該地方衙門協捕故積案巨首皆幸就
縛此其協心之明效也伏望勅下該部轉行兩
省撫按衙門著為定例賊發於江西該道移文
湖廣下湖南道上江防道勒兵界上以待賊徒
之逸如被越入本境即同江右官兵併力擒剿
賊發於湖廣該道移文江西南昌湖西各兵巡

道勒兵界上以待賊徒之逸如被越入本境即同湖廣官兵併力擒剿如有推諉懈弛聽各該撫按官叅究如此則兩省成一體之勢而黠賊自無容身之地矣伏乞聖裁

一議設立義總臣等聞弭盜之法莫善於保甲節該前任諸臣屢屢申飭臣等接管以來查覈甚嚴不敢懈弛然寧州等六州縣形勢則有不然者深山窮谷巖壑峻險之地或五六里方有茅

舍一二間或十餘里方有烟爨四五戶甚至三
四十里人跡不至者勢不聯屬自難約束及查
沿山一帶深奧處所儘有豪族巨姓家素饒裕
人至千丁者一族之中難保盡善或造小房於
山間招流民以射利或窩積寇於戶下縱出劫
以分贓州縣無如之何保甲豈能鈐制臣等以
為城市之中及人煙輳集地方仍行保甲之法
無容別議外其深山僻坳處所豪族巨姓通行

查出籍名于官每族查訪平素尚義及家勢才
力足以壓服人心者一名或二三名有司以禮
召至立為義總免伊本身差徭令其管束一方
如本境寇盜生發及本戶窩隱流賊者率統家
衆剿捕送官積有勞勩或五六年內地方寧謐
者許本鄉里遞保舉到官有司轉為申白給以
冠帶榮身如有憑藉武斷鄉曲者即便革替仍
據法重究如此庶人有領袖事有責成不惟藉

以弭盜而亦可潛消其隱慝矣此在地方諸臣
亦能為之但不題奉欽依人心未免玩愒且他
日官更吏換此法必致廢弛故敢冒昧并陳伏
乞聖裁該兵部覆奉聖旨是這弭盜條議著該
撫按官督率兵備道著實行不許徒以建議了
事

查解各衛所存留糧餉濟邊疏

題為稽查章奏隨事考成以修失政事據江西布政司

呈奉臣牌催造繳查過衛所軍伍糧餉丈冊繳報等因奉此案照先奉巡撫江西劉都御史案驗准戶部咨為懇乞聖明講求大經大法以足國用以圖安攘以建久安長治事咨行清查各府州縣原設衛所若干官軍若干即今見在若干先年軍伍全盛之時合用糧餉若干今有消耗仍用若干又查所屬原額錢糧若干起運若干存留若干要見某處實徵未納若干已支見剩若干有無那移借用從實會算查明之日造冊奏繳等因備

行到司依奉通行所屬府州縣衛所查報外又蒙巡按
江西監察燕御史案驗奉都察院勘劄准戶部咨為稽
查章奏等事欵開一件懇乞聖明講求大經大法等事
隆慶三年七月內該總督侍郎譚 條奏查額糧內稱
各省直衛所先年軍伍全盛見今消耗原額錢糧應有
剝餘本部議行各撫按查明具奏等因奉穆宗皇帝聖
旨依議行欽此除貴州回報外其餘至今未報及查先
該戶科都給事中趙鐸題稱額糧無減尺籍日耗議行

各省直查解存剩屯田銀兩濟邊止據雲南廣東廣西及廬州府解到銀四萬五千三百餘兩其餘並未解到等因行司催造前冊續該本司看得軍伍糧餉原文止開先年字樣緣無起止年分遽難攢造及查原奉部文內款開五曰肅屯政定自隆慶四年為始清查冊繳前項軍伍糧餉若自洪武年間造報非惟不便清查抑且事遠冊亡無憑稽考相應比照肅屯政款開自隆慶四年為始造報等因呈奉楊都御史批細閱部咨似當以

隆慶四年為始內云先年乃欲查原額盈耗並存糧有
餘之數及今實在之數耳准照肅屯政冊限年分造報
繳并蒙巡按張御史批准照屯政款開自隆慶四年為
始造報繳依蒙除起運錢糧自有歲入歲用年終造報
冊繳存留錢糧各有支用款目俱不槩造以滋濶擾外
合專查所屬衛所官軍俸糧及照本省各衛所屯糧原
供官軍俸月糧之用數每不敷例於各該府縣存留倉
米銀內湊給總計一省存留歲奉會計原有定額節年

官軍消耗剩數宜多但各王府祿米亦係存留糧數宗儀日行歲祿遞增本省地方上瘠民貧難於額外加派以官軍漸減就將存留倉米通融改派以克宗儀增祿之數故各祿於正德以前止派二萬六千餘石至嘉靖隆慶年間漸增至一十六萬六千餘石各府州縣存留倉米正德以前派至三十萬八千餘石嘉靖隆慶年間漸減止派一十六萬八千餘石彼盈此縮互為增減以致支給官軍之外應剩糧數難以比照原額扣算止據

見在數目逐一清查中間官軍連年事故不等支給未盡餘剩之數合候解部等因造冊到臣據此查得接管卷內先准戶部咨該總督薊遼保定等處軍務兼理糧餉兵部左侍郎譚條奏謂每歲錢糧所入不足以供所出欲併天下存留糧數總較實在及將各司府衛所軍伍糧餉逐一清查相應依擬題請恭候命下移咨浙江等十三省并南北直隸各巡撫都御史及咨都察院轉行各巡按御史備查各司府州縣原設衛所若干官

軍若干即今見在若干先年軍伍全盛之時合用糧餉若干今有消耗仍用若干又查各所屬原額錢糧若干起運若干存留若干起運者述年有無增益曾否加賦於民存留者是否一歲所入僅供一歲之用或果別有盈餘如總督譚 所稱福建一省每年約有糧剩銀十萬兩則各省直諸衛所糧有定額而軍無全數者即可類推苟非查核未精必係拖欠未完今宜盡照已往派支之數隨在細查要見某處實徵未納若干已支見剩

若干有無那移借用從實會算自見著落不得輒以大
約為言含糊搪塞查明之日造冊奏繳青冊送部以憑
查理酌處等因題奉欽依移咨前巡撫江西右副都御
史劉 案行該司清查冊報等因續為稽查章奏等事
又經催司作速查報去後今據造繳前來該臣會同巡
按江西監察御史張 會查得冊開本省軍伍原額南
昌袁州贛州三衛信豐會昌吉安安福永新龍泉撫州
建昌廣信鉛山饒州南安一十二所及直隸九江衛并

准益二府羣牧所共官吏旗軍舍餘四萬二千二百一十九員名歲該支米三十九萬二千七百一十九石一斗八升六合五勺稅糧實徵各衛所屯田子粒并餘糧麥豆折銀米共一十一萬六千五百二十七石二斗五升六合五勺五抄三撮四圭五粟存留各府縣倉米共一十六萬八千六百八十九石六斗二升一合五勺八抄每石折銀五錢共該銀八萬四千三百四十四兩八錢一分七毫九絲內除支給宗庶儀賓祿米官吏師生

俸糧等項不開外隆慶四年分通省各衛所見在食糧
官吏旗軍舍餘共二萬五千七百七十三員名各支不
等該支米二十三萬三千七百七十三石二斗二升一
合四勺八抄六撮除儘支屯糧外該湊支倉米一十一
萬七千二百四十五石九斗六升四合九勺三抄二撮
五圭五粟折該銀五萬八千六百二十二兩九錢八分
二釐四毫六絲六忽二微七纖五秒本年衛所屯糧全
完府縣倉米銀已完六萬二千五百七十四兩二錢八

分一釐三毫七絲三忽七微七纖伍秒除湊前屯糧支給外餘剩銀三千九百五十一兩二錢九分八釐九毫七忽五微見貯司庫聽候委官轉解未完銀五千三百九十五兩四錢三分四毫四絲係南昌等府屬拖欠除奉詔免十分之三應徵七分該銀三千七百七十六兩八錢一釐三毫八忽見行追徵其餘各年軍伍應支糧餉并各屬拖欠見追數目俱備造在冊本內不敢繁瀆止將支剩銀數開載隆慶五年一萬二千六百九十二

兩八錢二分四釐四毫九忽六微五纖五秒隆慶六年
一萬一千九百四十四兩三錢五分七釐八毫七絲一
微三纖萬厯元年一萬四千三百零六兩四錢一分五
釐七毫九絲六忽九微萬厯二年一萬四千四百二十
六兩四錢零三釐三毫二絲九忽九纖萬厯三年七千
四百一十一兩四錢七分九釐五毫七絲九忽一微三
纖以上六年共銀六萬四千七百三十二兩七錢七分
九釐八毫九絲二忽四微五秒見貯司庫臣等看得相

應委官解部以為濟邊之用其各王府祿米另議處補合遵原行造冊奏繳及查先准都察院咨為乞省繁文以節浮費事遵依在卷今照前項文冊原共一事會查相同該臣衙門備造文冊奏繳青冊咨送戶部查考

保留方面疏

題為保留給由方面官員事據江西布政使司呈奉臣批據江西按察司呈准本司分巡湖西道兵備副使李臺關稱本職年四十九歲浙江嚴州府壽昌縣人由進

士嘉靖四十一年六月初除湖廣漢陽府推官選授
工科給事中陞刑科右給事中陞工科左給事中陞陝
西按察司副使隆慶二年十月初十日到任隆慶四年
三月初七日丁父憂回籍守制未滿間隆慶五年十月
十八日接丁母憂服滿赴部復除今職萬曆三年三月
初十日到任扣該萬曆四年九月十三日止連前任并
閏共實厯俸三十六箇月三年任滿例應給由等因奉
批仰布政司查報依奉查得副使李臺前後厯俸共足

三年例得通理給由但本官職任兵巡奉有專勅住劄吉安況今冬月正盜賊出沒之時地方倚重難以輕離相應保留詳報到臣據此案照先准吏部咨該本部題今後在外大小官員三年六年給由果有兵革災傷地方重寄許撫按官合詞奏留又准咨開在外官員除方面府佐照舊赴京有事地方照舊保留又准咨開以後考滿官員不論前後歷任年月多寡俱得通理萬歷三年四月內又准咨開一復外官考績之制在外撫按官

以後方面府佐官考滿查係地方果有緊急重大事情
勢難離任者方許奏留差人齎繳牌冊若無事地方仍
令赴部考覈毋得一槩奏留違者聽本部并該科叅治
各等因俱題奉欽依移咨前來通行遵照外今據前因
該臣會同巡按江西監察御史張 看得副使李臺冲
和之度精詳之職從容應事而其才足以投大遺艱渾
厚存心而其智自能發姦擿伏明刑讞獄情法兼通備
患除戎遠邇胥賴茲當任滿例應給由但本官職任兵

巡奉有專勅且該屬府縣正官又皆入覲地方乏人尤
籍本官彈壓似難離任今查奉有前例相應遵照奏留
伏乞勅下吏部再加查議容令本官在任支俸管事將
前後任內歷過事蹟照例造冊差人齎繳惟復仍令赴
京給由

請督糧沈叅議患病乞休并委官押運疏


題為俯憐患病乞令生還事據江西布政使司呈奉臣
批據本司呈准提督糧儲左叅議沈奎咨稱本職不幸

染疾至今尚未全愈已不敢督運矣原望督運不過便
於歸計既不能供職又不得歸田則臥病日久憂鬱日
深殘軀必先朝露是以含泣而悲鳴也伏望俯念下情
轉申撫按衙門先賜速歸後乞題請得遂首丘之願則
生當圖報死當銜結為此滴漉祈懇之至等因到司看
得本官咨稱患病不能供職乞要容令致仕一節為照
本官勞苦三載一旦邁疾今以患病乞休情詞懇切相
應准從合候詳允容令本官回籍致仕等因奉批本官

奉職精勤徵輸攸賴既稱染病未愈似難慰留准候題
請運船開幫已多督押該道似不可緩該司查議另呈
繳并蒙巡按江西監察御史張 批據呈本官因勞邁
疾病勢日增應與題請宜在任調攝候會題文至施行
該道原管漕糧開幫在即事干國儲該司會同各道議
委一員專管督押催僨起運庶不悞事仍速具由通詳
此繳依蒙今該本司右布政使何子壽會同分守南昌
道左叅政盧仲佃湖西道右叅政陶幼學九江道左叅

議王世懋會議得見今兌運告完糧艘蔽江而下督押
催餉委屬緊要不可缺人管理查得右叅政陶幼學賢
能任事堪以委用合無備行本官總押尾幫糧船依期
過淮不得遲悞等因到臣據此案照先據該司呈詳前
項緣由已經批行查議去後今據前因該臣會同巡按
江西監察御史張議照漕運乃軍國之重務而督押
又漕運之要職江西通省兌軍銀米俱完先後開幫前
進督押該道勢不可緩叅議沈奎見在邁疾難候痊可

既經該司會議委官代押似應准從除批行叅政陶幼學押運外但督糧道原係奉勅專職相應題請其叅議沈奎患病乞休一節伏望勅下該部查議合無准令致仕員缺即行銓補庶官不乏人而運務有賴矣



潘司空奏疏卷四